

Michel Bonnet: «Lankidetzak xedeak berehala bultzatu behar ditugu»

Donibane-Lohizuneko distrika berria mugaz bi aldeetako akordioan sar liteke

Joan zen urtarrilaren 18an, Baiona, Miarritze eta Angeluko distrika (B.A.M.) eta Gipuzkoako Diputazioaren arteko kooperazioa sakontzeko ituna izenpetu zuten. Bi instituzioek Europako Komunitatearekin harremanetan dira mugaz bi aldeentzako dirulaguntza lortzeko INTERREG II plangintzaren barne. B.A.M. eta Gipuzkoaren arteko harremanez Michel Bonnet Angeluko auzapezak zenbait datu eman zituen.

MIXEL ESTEBAN / ANGELU

EGUNKARIA.— Zer izanen dira itunaren urratsak?

MICHEL BONNET.— Brusselara joan ginen iaz, urtearen bukaeran. Bidaia horren ondotik konturatu ginen gure arteko harremanak gauzatu egin behar genituela itun bat izenpetuz. EK-ko Administrazioari mugaz bi aldeetako kooperazio xedea aurkeztu genion. Gure eskaera INTERREG bigarren plangintzan sartzen da. Instituzioetako dirulaguntzak bakanak dira, baita EKn ere. Beraz erakunde honek selekzioa egiten du. Horregatik lankidetzak xedeak laister bultzatu behar ditugu.



Michel Bonnet, Angeluko auzapeza.

M. ESTEBAN

tu behar ditugu.

Gure arteko proiektu orokorra presentatzea inportantea iduritzen zaigu. Gure demartxak berezitasuna du, elkarren arteko lana egiten baitugu. European horrelako adibide gutxi daude. Egia da posible zela bakoitzak bere aldetik xedea prestatu, koordinazioa ezberdintasunak izan arren gure mugaz bi aldeetan, geografiaren ikuspuntutik erregio bakarra dugu. Baionatik Donostiaraino hirigune bakar bat dago 600.000 biztanlerekin. Arrazoi horiengatik demartxa bakarra egin genuen EK-ko laguntza lortzeko posibilitatea zabaltzeko.

EGUNKARIA.— Beraz amodiozko ezkontzaren ordezkari pragmatismoko harreman daude?

BONNET.— Amodiozko ezkontzak baino luzeagoak dira gure arteko harremanak. Erran gabe doa horrelako ituna izenpetzen delarik aldean arteko harremanak onak izan behar dute. Elkar ezagutzen dugu. Eskualdeetako zinegotzi erresponsableak izan behar dugu EK-ko dirulaguntza lortzeko. Gaur egun Distrika eta

Gipuzkoan xedeak zehazten dira txosten orokor bat egiteko eta berriro Brusselara joateko. Urte honen bukaera aurretik pentsatzen ahal da dirulaguntza izanen dela proiektuen ikerketak finantzatzeko.

EGUNKARIA.— Mugaz bi aldeetako kompetentzia diren azpiegitura batzuk koordinatuko dituzue?

BONNET.— Europako kredituak lortzeko xede berberak aurkeztu behar ditugu. Txosten honetan Miarritze eta Hondarrabiko aireportuen arteko arazoak zehaztuko ditugu batez ere Madrilera-noko hegaldiei buruz. Bestalde, Bidasoa aldeko ur tratamendua eta etxe hondakinak biltzeko Hendaia, Hondarrabia eta Irunen arteko kooperazioa behar beharrezkoa izanen da. Turismoa beste arloa izanen litzateke. Azpiegitura handiak zehaztu behar ditugu osagarritasunaren ikuspuntutik eta ez kompetentziari begira.

EGUNKARIA.— B.A.M. eta Gipuzkoaren arteko ituna zabalduko al da Donibane-Lohizune aldeko distrika berriera?

BONNET.— Interesatzen bazaie Donibane aldeko herriak gure xedean sartuko dira. Oraindik Paul Badiola Donibane-Lohizuneko auzapezak gure xedeak hurbiletik segitzen ditu. Ondotik kostalde osoa ordezkatu izanen da.

Mujika Arregi Parisera iritsi da Kubatik

BAIONA

ETAp-ko kidea izandako Jose Antonio Mujika Arregi 'Joxean' urtarrilaren 16tik Parisen dagoela esan zuen atzo Vasco Pressek. Informazio horren arabera, Mujika Arregi Hego Euskal Herrira itzultzeko beharrezkoak diren tramiteak egiten ari da.

Mujika Arregi Kuban izan da azken urteotan, 1984 urtean Frantziako Gobernuak deportatzea erabaki zuenetik. Lasallete Hendaia alkate sozialistak deportatu honen egoera juridikoa konpontzeko urratsak eman dituela ere azaldu du Vasco Pressek.

Juana Aranguren abokatuak ere egin zituen gestio batzuk joan zen astean Entzutegi Nazionalan, ETAp-ko kide ohiaren egoera ezagutu asmoz. Entzutegi Nazionalako Fiskaltzak jakinarazi duenez, Espainian ez dago bere aurkako prozedurarik.

Mujika Arregi 1984eko urtarrilean atxilotu zuten Jesus Abrisketa, Jose Miguel Arrugaeta eta Jose Maria Larretxea ETAp-ko kideekin batera. Lau burukideak Pello Ansola eta Carlos Ibarguren ETAm-ko kideekin batera Panamara deportatu zituzten, eta bertan lau hilabete pasa ondoren Kubara bidali zituzten.


DATORREN ASTEAN ZER

Pello Urzelai

Abokatuak ikusmiran

Gorostiza eta Zulueta abokatuen atxilotetarekin joan den asteazkenean hasi zen auziak jarraipena izango du datorren astean, aurreko egunetako zarata motelduko bada ere. Ismael Moreno Entzutegi Nazionalako epaileak astelehenera bitartean sumarioa sekretupean jartzea agindu zuen. Ordura arte, Bittori Rekalde Amnistiaren Aldeko Batzordeetako kidea inkomunikaturik izango da espetxean. Sekretua altxatzen denean, sumario honi buruzko datu berriak ezagutzea espero da. Ikusteke dago oraindik epaileak diligentzia berriak agintzen duenentz, zein akusazio mota zehazten den Txemi Gorostiza abokatuaren kontra eta beronen abokatuak bideratu ahal dituzten arlo judizialeko gestioak.

Auzi honek euskal presoen epaiketetan izan dezakeen eragina datozen egunetan ikusi



beharko da. Joan den astean, Lasa Mitxelenaren kontrako epaiketa atzeratu egin zuten bere abokatuak bat, Arantza Zulueta, artean atxilotuta zegoelako Entzutegi Nazionalako kalabozoetan bertan.

Giro honen erdian, datorren

asteazkenean, Espainiako Senatua bilduko da eta Iñigo Iruin HBko senadorea auzipetu ahal izateko baimena emango du. Iazko urtarrilean, Carlos Buenen epaileak 'Easo' kasuko sumarioa egitean uste izan zuen Iñigo Iruin abokatuak zerikusi-

rik izan zezakeela ETaren zerga iraultzailearen kobratze kasu batean eta diligentziak Auzitegi Gorenera bidali zizkion azken honi dagokiolako senadore baten auzipetzea. Izan ere, Auzitegi Gorenak senadore bat auzipetu ahal izateko Senatuaren baimena behar du eta tramite hau burutuko da datorren asteazkenean. Iñigo Iruin senadoreak berak eskatu zuen tramite hori lehenbailehen egitea (horregatik ez du alegaziorik aurkeztu) Auzitegi Gorenean demostratu ahal izateko ez daukala zerikusirik inolako deliturrekin eta susmo horretatik libre gelditzeko.

Bitartean, asteartean, Europako Legebiltzarrean, EK-ko estatuetako giza eskubideen egoerari buruzko txosten bat eztabaidatuko dute. Bertan, preso eta atxilotuen eskubideen boronbiletik segitzen ditu. Ondotik kostalde osoa ordezkatu izanen da.

● **BROUARD** kasua non epaitu behar den aztertu zuen joan den ostiralean Bilboko Auzitegiak eta asteartean emango du ezagutzera erabakia. Epaiketa Madrilgo Entzutegi Nazionalaren eskura pasatzearen alde agertu zen bakararra Rafael Lopez Ocaña akusatuaren abokatuak izan zen. Txema Montero, akusazio partikularreko abokatuak, eta Jesus Cardenal, fiskala, Bilboko Auzitegiaren gaitasunari eustearen aldeko agertu ziren. Lopez Ocañaren abokatuaren eskaera baztertzeko espero da eta kasu horretan abokatu horrek kasazio errekurtsioa iragarri du epaiketa atzeratu nahian.

● **ALCALA** hoteleko atentatuaren epaiketa hirugarren astean sartuko da bihar. Astelehenean Juan Viriato poliziak deklaratu beharko du. Viriato ustezko 'satorra' da, Duceren konfidentziak Poliziako arduradunei kontatzen zizkienean. Elias inspektorea ikerketaren arduradun nagusiak ere deklaratu du. Asteartean peritua, kaligrafoak eta bestelako adituak hasiko dira deklaratzeko.